

629  
14819  
17

docriver 文川网  
古籍书城  
获取更多电子书

中國方志叢書·第八號

廣東省

三水縣志

(全)

據清·李友榕等修鄧雲龍等纂  
清嘉慶二十四年刊本  
影印

711/2675

成文出版社印行



中華民國五十五年十月臺一版

# 三水縣志

全冊

定價：二四〇元

發行人：黃成男

台北郵政信箱二二六〇五號

出版者：成文出版社

台北郵政信箱二二六〇五號

印刷者：正大印製廠

三重市長生街二號之一



內政部登記證內版台業字第一一四七號

叙

志為史翼一方之文獻係焉學士  
大夫攷鏡得失蚩氓觀感嚮化  
司牧者晨披夕覽得旨人程  
法而秉式之政之編者弗使室  
於行俗之媮者弗使狃於習治  
教而闕豈淺抄裁缺而勿備孰  
職其咎旨裁前陶志中何端恪  
原序有非時弗成之語其知道  
乎三水志之失修已百餘年矣  
僕受事茲土裁八月耳非若久  
於其位者習與民相見舉凡禮

三水縣志 序

一

奏

樂刑政之鉅細兵農財賦之損益  
民風淳薄之所趨土物燥濕之所宜  
莫不炳若星列而後施諸政事見  
諸文章以其暇日進二三才識之士  
相與取舊志斟酌而斧藻之徵文  
考獻與國史相表裏是固賢者  
司之事也百餘年未前人既以事  
冗未舉僕甫勝民社操刀懼傷  
何敢遽宏斯願於會  
制府阮芸臺先生有  
奏修通志之舉例徵各郡縣草志  
送局採輯邑紳士謀新舊志以獻

三水縣志 序

二

docsriver 文川网  
入驻商家 古籍书城

在文川网搜索古籍书城 获取更多电子书

前署今李君有成議矣尋替還  
僕捧檄至聞之心竊喜語不云乎不  
習為吏視已成事舊志殘缺不足  
遵微得都人士條上隱顯不遺纖  
悉諸君子以者儒碩學各出機  
抒補其罅漏訂其謬誤輯為新

三水縣志

序

三

書僕閣手而仰其成微實於一  
時留聲於後世此百餘年來  
之令尹所欲為而不暇為者及  
今為之為之而遂成何如斯之  
易也豈非吾

芸臺先生文采照耀遐迹欽瞻

通志之輯為全粵之盛舉以修  
於上而下應之若此於吾肆紳士  
如董孝廉思誠鄧孝廉雲龍  
輩皆有心當世之務不沾一毫句  
自畫者能不舉邑乘為已任而  
勇於纂輯以副一時之盛哉新

三水縣志

序

四

志之成維其時也志既成呈稿於  
僕就意見所及略加刪潤時者局  
索觀甚急催檄頻煩僕適調  
篆禺山公事旁午即歸其橐  
俾授之梓志中纂新者什之四  
仍舊者什之六昔志成於康熙

四十九年邑令鄭君致手傳紀名  
帙頗病簡率諸君子既重前人  
之遺翰弗敢竄易僕又移官匆  
遽未及一釐正區瑕完瑜觀成  
亟而任事疎亦時為之耳後之  
覽者幸亮察焉是為序省

三水縣志

序

五

嘉慶二十有四年歲次己卯桐月之吉

賜進士出身廣東廣州府三水縣知縣

今署番禺縣事盱山汪云任撰

修志姓氏

主修

署廣州府三水縣知縣李友榕 陝西生員

廣州府三水縣知縣調署番禺縣事汪云任 安徽進士

署廣州府三水縣知縣王履祥 直隸議叙

校正

三水縣儒學教諭莫若之 高明舉人

三水縣儒學訓導許建中 大埔舉人

協修

甲午科舉人原任唐山縣知縣鄧雲龍 邑人

三水縣志 卷之一 一 章

辛酉科舉人揀選知縣丁丑大挑候補教諭陳攀桂 邑人

甲子科舉人揀選知縣丁丑大挑候補教諭陸鳳階 邑人

丁卯科舉人揀選知縣董思誠 邑人

校閱

職 員蔣業成 邑人

三水縣志

凡例

一志乘必分門類舊志卷分十五而紀載不無闕畧  
 詮叙亦覺失次今增卷凡十六典謨尊王言也  
 星野紀天文也輿地重地利也由是量地以制邑  
 度地以居民故建置次之九賦以足國九式以節  
 用故賦役次之禮樂所以崇典學校所以造士故  
 又次之以綏輯其鄉里故受之以秩官以保障其  
 人民故受之以兵防水利富教備矣尤願其羽儀  
 王國也故受之以選舉政治舉矣猶期其考正典

三水縣志

卷之首

凡例

一

型也故受之以秩官人物經年緯月故受之以編  
 年徵文考獻故受之以藝文事有正有奇有疑有  
 信故受之以雜錄終焉

一

本朝

列聖相承凡頒發  
 諭旨堪與二典三謨永垂萬世舊志不載殊非體制今  
 仿府志擇其切於吏治官箴民生士習者敬錄于  
 首以重

繪音

一舊志缺畧星野今訂增入並將氣候附後

一地理除氣候凡附載方域形勢山川古蹟津渡虛

市與夫風俗物產俱照舊志

一建置凡城池公署屬署壇祠兵營倉庫養濟院義

塚舊志俱皆備載惟間雜學制門類不清難以稽

覽今悉為釐正

一廟宇舊列外志非所以崇祀典也今附入建置

一戶口貢賦前代載其總額

一國朝會計則照現頒賦役全書舊志未見分晰詳叙

今悉釐正其所載詳奉批准編審均役勒石碑文

三水縣志

卷之首

凡例

二

因乾隆三十七年奉行編審之例無裨實政永行  
 停止應行刪去至蛋羊魚課亦關稅餉似不應沿  
 舊列入外志今改附條末  
 一舊志禮制未及儀注又無樂章祝文今照奉  
 部頒行依類纂入  
 一學校舊志祇載學制其

文廟

御書匾額

欽頒贊序并四配十二哲兩廡先賢先儒姓名位次及  
 崇聖祠配享姓名位次俱不恭錄今悉增入



一兵制不可一日不備三邑城守始設守備繼改都  
司今仍改守備其將弁駐防營汛兵目皆照額設  
開載併增入補驛

一水利舊志止載隄寶至津渡則附入地理橋梁但  
分見鄉圖未見彙載今各從其類一併登入

一選舉鄉會兩科舊志姓名間有失載今查通志載  
入人物亦不無遺漏採訪查有確據皆為補載

一舊志選舉內列入國學生但國學與鄉學地雖不  
同而其為諸生則一若國學入志庠生安得獨遺

今僅仍舊志餘概不載至報捐職銜不由文武生  
員者亦不濫登

三水縣志

卷之首

凡例

三

員者亦不濫登

一鄉實舊志止在耆壽名次下註明似屬不類今另  
開一欸其由舉貢生員者備載于志由耆老舉者  
概不登載

一列女已經旌表者入志其未經旌表者果貞白自  
矢年例相符報縣批准亦備載姓名立表立傳至  
從前遺漏未入者悉查核續入以彰閭範

一藝文必先 制誥所以尊 王言也其記序詩文  
擇其有關於世道人心者始為選編若咏物感懷  
祝賀贈答之詞先達自有文集無庸備載於志

一志書原不過因事紀事因人紀人凡地方利病惟  
司牧者隨時經畫見之行事不在空言其有前人  
論說事關國計民生之要不敢刪去庶訪求利弊  
者得究心焉

三水縣志

卷之首

凡例

四

三水縣志

序文

修誌姓氏

凡例

目錄

卷首

典謨

卷一

星野 附氣候

輿地

三水縣志

卷之首

目錄

一

總圖 縣坊圖 縣署圖 學官圖 鄉圖

形勢 方城 山川 古蹟 墟市 風俗

物產 附潮汐

卷二

建置

城池 公署 行臺 倉庫 壇祠 廟宇

養濟院 漏澤園 監獄

卷三

賦役

圖里 戶口 田賦 起運 存留 稅契

匠餉 鹽課 權稅 當餉 渡餉 積儲

屯田 附蛋埠

卷四

禮樂

朝賀 祭祀 鄉飲酒禮

卷五

學校

學制 祀典 守藏 書籍 常額 書院

社學 學田

卷六

三水縣志

卷之首

目錄

二

秩官表

官制 附員役

卷七

兵制

民壯 營哨 附保甲 附驛舖

卷八

水利

隄竇 津梁

卷九

選舉

薦辟 進士 舉人 貢途 武科 文職

武職 封贈 恩廕 援例

卷十

秩官傳

卷十一

人物傳

忠侃 賢良 官蹟 儒行 文學 孝義

潛德 隱逸 武畧 鄉賓 耆壽

卷十二

列女傳

三水縣志

卷之首

目錄

三

卷十三

編年 附災祥

卷十四

藝文上

制誥 奏疏 記

卷十五

藝文下

序 論 賦 詩

卷十六

雜錄

寺觀 神異

跋

三水縣志

卷之首

目錄

四

舊志原序 嘉靖四十二年 宗伯 何維柏 邑人

陶侯修三水志成來徵予言為序予讀之感焉縣治肇自嘉靖丙戌析南海高要若干里合而成邑邑當二廣之衝北自滇江合武水而西南自泮河合漓鬱諸水而東東距清海沂石門轉折而西而南會于邑是為三水兩藩鎮巡監司命使暨諸郡縣百官島夷貢獻皆取道出此舟車罔晝夜公私浮費百倍他邑即清遠高要各直一路民猶僂僂不支矧惟三水今城中鮮人居寡貿易生齒落莫四郊墟曠百凡餼饋夫徒供億率取辦鄉市倍直

三水縣志

卷之首

舊序

而廉慎才敏足以飭蠶集事用是克當上意而當道羣公宏度並濟不貴苛小甄別優勵侯蓋得以盡所事事而又能以暇自率其學官子弟修邑志夫志非學弗詳非公弗覈非才弗達非時弗成是志也詳而覈明而達又得時以成之非茲邑幸耶而侯則自言曰吾何人也曷敢言志然志者籍也籍其往以貽來也猶之家焉凡戶產經常之數家之長必籍之以詔子若孫而吾忝茲土當周知境內人民土地之數凡山川之形勝封疆之險易戶口之登耗賦役之繁省風俗之媿惡教化之隆汙治蹟之得失惟籍而記之俾後之人有稽焉民所未便者思以生息而蕃殖之勞來而安定之利導而節縮之巨翼而振作之經理而整肅之夫籍存庶其布之上下民有所利賴蓋吾志也若夫毀譽是非之事則吾豈敢言善善也倘傳聞之混實幽隱之未宣者當俟後之君子嗟乎侯用心勤矣然予又有感焉夫志識也邑典也是非子奪世道攸繫孟子有言盡信書則不如無書武城周書也且不可盡信况其他乎司馬氏世典周史遷良史才也猶病其是非謬於聖人後之好譏議人者多以

三水縣志

卷之首

舊序

二

私臆繩賢否其去遷也益遠夫君子褒貶美刺載  
筆於書所以信今而示後奚可以弗慎也如其弗  
慎雖郡乘弗傳省志弗錄豈惟邑侯詳覽博采以  
屬諸生必無弗慎者而猶欲然有所俟予因推侯  
志識吾感以告夫後之君子

又序

中丞李義壯邑人

三水縣設于今將四十年矣而未有志陶君允徵  
至則有志焉未暇也越三年而政成乃考縣之故  
而創爲之嘆曰茲惟艱哉吾欲觀於建置之沿革  
山川之形勝封疆廬井之限制而無所於籍也乃

三水縣志

卷之首

舊序

三

以考之全志有遺言焉吾欲觀於田賦之上下風  
俗之燬惡因革損益之終始而無所於徵也乃以  
質之里正有隱辭焉吾欲觀於官聯之失得士習  
之汗隆禮樂刑政之統紀而無所於稽也乃以詢  
之故老有遺知焉則以文獻不足爾已夫子曰吾  
欲觀夏道杞不足徵也吾欲觀殷道宋不足徵也  
其殆有感於斯乎夫志也者固一縣之文獻所繫  
也及今不修後將何觀然今郡縣之爲志亦多矣  
率不附麗于史法而藝文是工不知史以記往志  
以開來記往以存鑒戒開來則經綸之迹存焉此

體例之辨而致用則有間焉於是創爲名例以授  
于博士董子大恩周子郡而董修之踰年而志成  
以示予且以序爲請余閱之三則既燦燦乎微而  
彰曲而情矣乃若允徵之爲縣也一至是乎夫山  
谿疆界雖非固國域民之本然肇建郡邑之初以  
備制度則不可缺也故首之以封域地僻則民聚  
民聚則邑成故次之以民物衆庶民庶而後設官  
以爲民極故次之以官師官師者政事所繇以出  
焉者也道有升降政繇俗革窮則變矣變則通矣  
故次之以政事夫正立而經正經正而民興髦士

三水縣志

卷之首

舊序

四

於是偕作而有志于道者蓋蒸蒸矣故次之以人  
材君子之志於道也不可不察夫邪正之辨也故  
次之以外志外也者外之也自虛無幻誕之說興  
而後災祥詭異之徵作有民社者不可不慎也故  
以雜志終焉而志斯成矣他日欲求三水之文獻  
者安知其不在茲乎昔令尹子文舉舊政以告新  
尹夫子以爲忠何也爲其推物我無間之心而尤  
憂後之作者不能如今日也此志成謀始者藉以  
不替效法者視以不眩其爲告也不亦大乎使嗣  
是而爲令者誠能鑒此而行之三水將不永有攸

賴哉陶君名守訓字允徵別號望沙西甌之平樂人子視學時所舉士當時嘉其有志乃今果然焉孰謂爲政之無本也

舊志序

崇正十二年

大學 何吾驤 香山 人

三水縣治結轂廣州西南保界高要南海羣車藍鑿嘉靖初臺監使者風檣日往還如織事居送往霍文敏蚤灼知民將不堪矣要以地衝而阻國倚毗合彈壓調劑邑供億啼呼民又倚毗合急公求莫故百城之長爲邑民批歎徂借前籌任匪輕也三水創垂迄今七十載循卓指不多偃余家先

三水縣志

卷之首

舊序

五

端恪公謂有分其咎者洵不誣哉臨安高侯受事僅兩期循聲藉甚巡方榜侯治績懸諸國門爲百城風厲侯治平概可觀已初侯之不車也念邑當國達之衢民當竭澤之候操刀而割四顧躊躇考獻徵文茫乎未備遂慨然有志三水之舉爰詳當事介士紳稽簿書參掌故補三十年殘闕之遺續四十年沿革興廢汚隆澆樸之故嗣徵陶志爲上下篇如紀如表如志傳絲緒條分碁置奕如星麗離離如也嗟乎百城之長鞅掌戴星載籍得失之林類高閣置劄僕僕河干無踰三水而年來中外

昏昏徵繕類仍合方露肘捉襟仰應司農之不暇

而暇弄柔翰擁圖書爲考獻徵文地乎端恪嘗序

陶志曰非時弗成汪司馬伯玉論志亦謂得時尤

難夫今時較陶合時贏絀何似緩急何似臨我者

程期何似長我者瞻依何似而侯強教悅安固圍

銷萌而外取故實而商確之取先民而揚扆之取

踐更田賦丁夫流移登耗而綜覈之一似乎侯之

日無冬無夏咸舒以長侯之政無巨無纖咸整以

暇也且也志邑雖文獻一方道法事辭何啻參半

或者采春華忘秋實縱合牛汗何關治平侯獨原

三水縣志

卷之首

舊序

不

建官之意於天罄親民之事於志徵第浮夸瑣尾不敢瀾昭垂卽文物表章猶遜之二三君子故其篇中所臚列輒引其端大指歸諸子惠吾民救寧吾邑俾善建垂諸不拔害馬無復潛滋以無負擔爵析圭卽媚庶民爲媚天子意也抑又聞之曰不習爲吏視已成事前事不忘後事之師今而後剖符三水讀侯志稟成焉暗室一燈事半而功且倍三水人士讀侯志躍興焉道德文章先民具在他無論如先端恪當日借侯先石山公事世廟朝危行危言幾瀕九死比神廟賜環氣節烏奕海內欽

則侯至互相勞問先代丰采宛然昨日人倫師表  
南北有光一難書有餘矣然則斯志也養民具焉  
致賢具焉勸來章往具焉一舉而四善該謂侯治  
平大業文章忠義併該焉可也猗歟伸楮濡毫侯  
識其大而一鸞識全烝一勺辨淄澠余於侯亦觀  
其大矣脫稿快讀特泚筆以告管城侯子墨客鄉  
之從事夫文獻者

又序

知縣 高其昌 浙江人

天生民而立之君因建親民之官分符錫綬俾得  
拊綏而安輯之以無至失所凡以答天也王者因

三水縣志

卷之首

書序

七

是有大一統志載在天府而郡邑咸得師其意以  
見之於書迨政成之日陳風貢俗以報政於天子  
其藉有紀載者非淺也三水設自嘉靖初年割南  
分要幅員僅五十三里越後漸增至五十有六踰  
三十年而始有陶公之志至於今七十餘載矣向  
未修輯其昌自戊寅之春受事茲土晉謁上臺命  
之曰凡爲民牧者先提其大綱而後萬目畢張民  
情土俗曷以志乎攷之其昌對之曰唯唯及過搜  
舊稿已成蠹餘且自揣愚昧無似風塵歷落簿書  
鞅掌因商之學博鄭君亦爲其事之久需此舉也

三水縣志

卷之首

書序

八

遂毅然任之因走幣於鄉紳李君諱士安孝廉梁  
君諱挺桂李君諱鍾穎馮君諱顯忠皆熟於傳聞  
嫻於紀載兼之邑庠弟子員如陳生羔梁生嗣植  
吳生京歐陽生大業陸生象陸生嘉士皆能蓄英  
揆藻爲士林翹楚於是修輯之事得諸君子分任  
之而其昌止酌定而訂正焉而志遂告成分編類  
引載之詳矣大約明天之時順地之理尊王之制  
章國之體兵農禮樂總非一端因革損益亦非一  
道要之有益于民者則載之以示知所脩舉有害  
於民者則備之以示知所裁抑不失上天生民之  
心與大君爲民之意變通善俗仁化宜民斯已矣  
志之成也實賴上臺示其的諸君子翼其成其昌  
藉是以塞責焉爾獨思設官原以爲民而吏茲土  
者乃精神結於身家氣志移於溫飽更不復念民  
間之疾苦當此地瘠力疲之日三水之民幾不堪  
命矣若是則與設官之義何居願後之君子其善  
綏此疲民也庶幾其有瘳也夫雖然剖斗折衡而  
民不爭作誥作誓而民滋僞當事者亦惟粹白心  
源端厥身範使四國則而象之而宇內共敦分誼  
以不失爲下之義則惟是可由而不可知各率其

虫蚩之性以相若於大化庶幾一道同風共囿于  
一統之盛治而無媿於志林耳若曰文辭之表裏  
足以傳信以示後是獵諸君子之功能而文一已  
之固陋此其昌之所大恐也簡言以識其端

又序

教諭鄭廷樞

三水縣之有志自嘉靖四十一年知縣事粵西陶  
侯始也逾七十餘年而今乃重修則高吉生邑尊  
之志也邑尊下車卽考風問俗商榷政教機宜慨  
然於邑事日積志乘久懸取舊志緝閱之蓋胸有  
成竹矣乃請諸上臺議修之猶以爲舉七十餘年

三水縣志

卷之首

舊序

九

之事而綜覽焉其務繁併合前志三十餘年之事  
而參訂焉其緒又錯未易獨以簿書兼也爲書幣  
敦請鄉紳李二溟明府李視發孝廉梁子生孝廉  
正其體裁徵邑庠士陳生羔梁生嗣植吳生京歐  
陽生大業陸生象陸生嘉士分司纂修事而命不  
佞廷樞董其成二孝廉以簡嚴之筆準經式史爲  
編年紀事一書弁諸卷端廷樞及六生則斂集官  
司行移士民揭報出入於舊志中分例編葺之每  
例各有大引具出高邑尊手裁李明府以淹博之  
識時有論著則鑑古規今言多典則共計十有二

例而定爲上下二卷土地邑之所係以設也故上

卷首與圖邑旣議設則必經營其規制以奠官府  
神人之居故次建置規制旣備而上下灌輸以通  
一邑之氣脈者財用也故次賦役財用旣足則可  
講求乎文物以修饗祀祈報之典故次禮制文物  
內盛而遠近戒嚴以厚一邑之營衛者兵壯也故  
次武備然兵壯以慎不虞原非幹辦之用彼庶人  
在官古備之矣故員役次之是爲上卷上卷者志  
邑之常經如卦象之有內爻以言乎其體質也夫  
以輿圖之廣建置之大賦役之繁禮制武備之悉

三水縣志

卷之首

舊序

十

索於是乎有員役之設者將以聽于政教之司而  
安戢其境土也故下卷首官師表焉政教所施有  
得有失其淪洽人心久而勿謏者崇報所繇隆也  
故次名宦傳有表率一邑而垂循良之聲者則亦  
有譽髦斯士而濟科名之美者故次人物表人物  
不一其致身通顯者旣多隆軌德業而亦有淡約  
幽隱守卓而行芳者皆可述而志也故次人材傳  
大凡人之可傳者其著述必足以章明政理羽翼  
道教而維持乎彛常也故次之以文藝若夫存奇  
攷異則緒餘而已矣故謂之雜志而下卷終焉下



卷者志邑之盛業如卦象之有外文以言乎其發用也此十二例者草創固紛而難矣討論猶參差說逸而難也啟事月餘間六生屬稿方就緒因科試逼近皆告歸肄業而獨以其事留遺于廷樾顧樾又見事不博握管無法再禪兩月工書搜宵訂篇裁句摩歷幾煩瑣廢幾精神尚夢夢然如逐影耳尚渙渙然如博沙耳賴李明府與二孝廉往來商榷可否共濟邑尊留神主裁不厭聒瀆時得呈覽而枝正焉而馮介孚孝廉後至過從語論又每每有以發我覆也乃得藉手成事要其所為夢夢

三水縣志

卷之十

舊序

七

者渙渙者終無以自解也討論蓋若斯之難哉若昔人所謂修飾之工潤色之雅則概乎未有與矧任瘁近思攬成近專寬收則疑濫慎駁則疑刻其非之嫉之怨之撻之者所不能免則亦任謬悠之失與六生分罪焉耳然而高邑尊之引言李明府之論斷梁李二孝廉之事紀則既有論有要矣昇識者分別觀之可也

又序

石渠知縣 李士安 邑人

人心內有日月燈焉日昱於晝月昱於夜是為照善惡之諸國之有史邑之有志所以濟日月之窮

夫志亦史耳古志則舊心燈也今志則新心燈也春秋以盛聖特聞嗣茲而下有編年有紀傳或記二千餘年或擇二十一史亦婉亦直亦獨任亦眾參因革廢興爛然有第 印可而書山自舞色筆囿自生香耳目膽力亦自恢宏而穩壯此舊心燈所宜按也我高皇祖混一廣輪夢醒長夜嘗敕令番直史館者編紀時政據事直書藏之續續詳而一統志簡而六論箴資世禮儀諸訓孝慈精誠各錄大之禮樂兵農細而米鹽茶鐵揭經制於星垂顯筆削於霆斷真斗維不忒日月為昭最稱國史

三水縣志

卷之十

舊序

七

大關頭若不參透此關愁皮駭夢將何處打入別局此新心燈所宜欽也吾邑建自世廟五年地儉而衝衝日異而月不同舊志久模用古者病於無稽丁丑秋鄭學師攬鐸再至與不佞及諸孝廉談及曠典輒喜而願襄其成特以青瓊坐冷合不能行一間右必以待當事者云逸今高侯銜命而來矚舊志亟與學師商之謂為政之體要存焉於是謀諸不佞與孝廉矜子就室而珍從之覈諸殘篇斷簡之餘收諸里巷小民之口相與商確攷証信者因之疑者闕之訛者正之繁冗者刪之未備者

docsriver 文川网  
入驻商家 古籍书城

在文川网搜索古籍书城 获取更多电子书

補之時有可采者續之爲目十二羅之舊志者半  
緩之新志者半沿革變更纒纒數千言所謂條條  
智也夫引壽光而妍媸別尋跡府而善敗瞭後之  
君子讀而細玩之於未備未續者又復鋪張弗替  
知爲吾邑不朽之徽典實出邑侯煦育之功學師  
拮据之力斯志也今古大心燈其恍惚之母不疲  
于屢照乎勿等之蚩冷符可矣

舊志序 康熙十二年 知縣蘇 嶗 河南

國有史家有乘郡邑之有志猶是也然則志可無  
乎曰曷可無也無志則凡天時地利民情土俗建

三水縣志 卷之首 舊序 三

置沿革賦役戶口人物藝文皆無所考據而圖維  
官斯土者蚩蚩耳費費耳志曷可無也雖然志易  
有乎曰弗易有也有志則凡天道歲時知所變理  
地勢險易知所握防民情土俗知所謂劑建置沿  
革知所損益賦役戶口知所稽覈紀人物而知所  
以示勸戒覽藝文而知所以廣見聞秉筆者非直  
諒多聞德才兼備烏能勝厥任而愉快哉志弗易  
有也嶗以中原一介士剖符綰綬於三水衝敵之  
區匪惟治術未諳抑且風土迥別下車以來畱心  
邑志夫亦曰觀於志而得爲政之道毋俾蚩蚩費

贊以從事也詎兵燹之餘簡冊散失多方播覓於  
一二舊家殘編中摻獲四本乃寓目焉蓋陶侯始  
成之高侯重修之迄茲今昔異時政規異制多所  
缺畧而不全慨然有纂裁釐定之想居無何  
今上允輔臣請

敕天下修大清一統志肆雖彈丸邑亦在版圖中嶗奉  
檄董事實獲我心爰集邑之紳士慎選勝厥任而  
愉快者商酌蒐羅討論修飾大抵縷析條分一循  
往例而於遞傳之年代鼎新之規模形勝之興衰  
戶役之增減與夫人之繼起文之續成者或刪繁  
而務簡或去舊而登新或正其訛或補其缺要歸  
於核確靡遺公明至當而已矣是役也書成而上  
於

三水縣志 卷之首 舊序 十四

朝較曩者一邑一合之私舉大相逕庭嶗不敏式賴  
諸君子博學強記華瞻淹通以襄盛典將後之官  
斯土居斯土者咸有所取法觀感爲慈父母爲佳  
子弟洵不負  
聖天子家天下之至意云爾  
舊志序 康熙四十九年 知縣鄭 政 福建  
郡邑之有志何昉乎自禹貢所載凡田賦高下之

異等墳墟黎赤之異壤名山大川之異名至于山  
珍海錯篠簜箇籥漆泉絺紵之物多男少女多女  
少男之地靡不三細畢載古人豈好爲是纖悉哉  
誠以利用厚生正德皆取資焉不可遺也後世郡  
邑有志雖倣乎史而實權輿於此顧志有得者亦  
有失者其得者于山川原隰田賦戶口水利物產  
選舉武備官師諸俗有源有委綱舉目張有關於  
吏治有益于民生其失者則異是所重者或畧而  
不詳所輕者反詳而不畧如釋老之廬怪論之事  
臺榭之故址詞人風雲月露之什連篇累牘不一

三水縣志

卷之甫

舊序

五

而足嗚呼此亦何與於吏治民生也三水縣治建  
自前明嘉靖五年至四十二年陶侯守訓始成邑  
志崇正戊寅高侯其昌修之

國朝康熙癸丑蘇侯嶠復修之自癸丑至今三十有  
八年矣此數十年中官署壇廟有新建者坡堤橋  
梁有修復者官師有陞遷者戶役鹽政有增益者  
與夫孝義節烈之已旌未旌者文人學士之詩文  
有係於世教者今不纂錄後將無傳乃集邑之紳  
士商之僉曰唯唯顧公董其事余自媿樸拙少文  
值邑際衝繁簿書期會加以送往迎來日無寧晷

何敢任其事顧既允紳士之請義不敢辭乃分日  
力晝治吏事夜校邑志訪諸縉紳遺逸而叅以眇  
見無關於吏治民生者概汰而不登至其書之有  
得而無失則前賢之所載具在余不敢掠美以邀  
名也其叅校則教諭謝君式南訓導李君文煒

三水縣志

卷之甫

舊序

六

三水縣志卷之首

典談

世祖章皇帝

御製大清律序 順治三年

朕惟

太祖

太宗創業東方民淳法簡大辟之外惟有鞭笞朕仰荷

天庥撫臨中夏人民既眾情偽多端每遇奏讞輕重出入

頗繁擬議律例未定有司無所稟承爰教法司官

廣集廷議詳譯明律參以國制增損劑量期於平

三水縣志

卷之首

典談

允書成奏進朕再三覆閱仍命內院諸臣校訂妥

確乃允刊布名曰大清律集解附例爾內外有司

官吏敬此成憲勿得任意低昂務使百官萬民畏

名義而重犯法冀幾刑措之風以昭我

祖宗之德子孫臣民其世世守之

臥碑

順治九年二月禮部題定奉

欽作刊立臥碑曉示生員

朝廷建立學校選取生員免其丁糧厚以廩膳設

學院學道學官以教之各衙門官以禮相待全要

養成賢才以供

朝廷之用諸生皆當上報

國恩下立人品所有教條開列于後

一生員之家父母賢知者子當受教父母愚魯或

有非為者子既讀書明理當再三懇告使父母不

陷於危亡

一生員立志當學為忠臣清官書史所載忠清事

蹟務須互相講究凡利國愛民之事更宜留心

一生員居心忠厚正直讀書方有實用出仕必作

良吏若心術邪刻讀書必無成就為官必取禍患

三水縣志

卷之首

典談

行害人之事者往往自殺其身常當思省

一生員不可干求官長交結勢要希圖進身若果

心善德全上天知之必加以福

一生員當愛身忍性凡有官司衙門不可輕入即

有切已之事止許家人代告不許干與他人詞訟

亦不許牽生員作証

一為學當敬先生若講說皆須誠心聽受如有未

明當從容再問毋妄行辯難為師者亦當盡心教

訓勿致怠惰

一軍民一切利病不許生員上書陳言如有一言

建白以違制論

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖祖仁皇帝上諭十六條 康熙十八年

敦孝弟以重人倫 篤宗族以昭雍睦

和鄉黨以息爭訟 重農桑以足衣食

尙節儉以惜財用 隆學校以端士習

懲異端以崇正學 講法律以儆愚頑

明禮讓以厚風俗 務本業以定民志

三水縣志 卷之首 典謨 三

訓子弟以禁非爲 息誣告以全善員

戒匿逃以免株連 完錢糧以省催科

聯保甲以弭盜賊 解讐忿以重身命

御製訓飭士子文 康熙四十一年

國家建立學校原以興行教化作育人材典至渥也朕臨御以來陸重師儒加意庠序近復慎簡學使釐剔弊端務令風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其

敬聽之從來學者先立品行次及文學學術事功

源委有敘爾諸生幼聞庭訓長列官牆朝夕誦讀

寧無講究必也躬修實踐砥礪廉隅敦孝順以事

親秉忠貞以立志窮經考業勿雜荒誕之談取友

親師悉化僑盈之氣文章歸於醇雅母事浮華軌

度式於規繩最防蕩軼子矜佻達自昔所譏苟行

止有虧雖讀書何益若夫宅心弗淑行已多愆或

蜚語流言脅制官長或隱糧包訟出入公門或唆

撥姦猾欺孤凌弱或招呼朋類結社邀盟乃如之

人名教不容鄉黨勿齒縱倖脫穢朴濫竊章縫返

三水縣志 卷之首 典謨 四

之於衷學無媿乎况乎鄉會科名乃掄才大典關

係尤鉅士子果有真才實學何患困不逢年顧乃

標榜虛名暗通聲氣夤緣詭遇罔顧身家又或改

竄鄉貫希圖進取囂凌騰沸網利營私種種弊端

深可痛恨且夫士子出身之始尤貴以正若茲厥

初拜獻便已作姦犯科則異時敗檢踰閑何所不

至又安望其秉公持正爲國家宣猷樹績膺後先

疏附之選哉朕用嘉惠爾等故不禁反復倦倦茲

訓言頒到爾等務共體朕心恪遵明訓一切痛加

改省爭自濯磨積行勤學以圖上進國家三年登

造東帛弓旌不特爾身有榮卽爾祖父亦增光寵矣逢時得志寧俟他求哉若乃視爲具文玩愒勿微毀方矧治暴棄自甘則是爾等冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難追謂朕言之不預也爾多士尙敬聽之哉

世宗憲皇帝諭知州知縣 雍正元年

朕惟國家首重吏治爾州牧縣令乃親民之官吏治

三水縣志

卷之首

典義

五

之於基也貢賦訟獄爾實司之品秩雖卑職任甚重州縣官賢則民先受其利州縣官不肖則民先受其害庸茲任者當體朝廷惠養元元之意以愛民爲先務周察節屋緩輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民惟邦本本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸有濟乎

皇考臨御六十一年灼知州縣之重特行引見咨詢明試

至詳至慎其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思繼

皇考之治務惟爾諸臣具有父母斯民之責其爲朕

立之基址以固邦本焉誠能潔已奉公實心盡職一州一縣之中與仁興讓教孝教忠物阜民安刑清訟簡朕將升之朝宁用作股肱如或罔念民瘼恣意貪婪或股削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫虧粒皆百姓之脂膏增一分則民受一分之累減一分則民沾一分之澤前有請暫加火耗抵補虧空格項者任意加增視爲成例民何以堪乎嗣後斷宜禁止或被上司察核或被科道糾察必從重治罪決不寬貸夫欲清虧空之源莫如節儉正直節儉則用

三水縣志

卷之首

典義

六

無不足正直則上官不可干以私若賤小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭

諭勸農 雍正二年

上諭朕惟撫養元元之道足用爲先朕自臨御以來無刻不履念民依重農務本業已三令五申矣但我國家休養生息數十年來口日繁而土田止有此數非率天下農民竭力耕耘兼收倍獲欲家

三水縣志 卷之首 典謨 七

室盈寧必不可得周官所載巡稼之官不一而足又有保介田畷日在田間皆爲課農設也今課農雖無專官然自督撫以下孰不兼此任也其各督率有司悉心相勸並不時諮訪疾苦有絲毫妨於農業者必爲除去仍於每鄉中擇一二老農之勤勞作苦者優其獎賞以示鼓勵如此則農民知勸而惰者可化爲勤矣再舍傍田畔以及荒山不可耕種之處度量土宜種植樹木桑柘可以飼蠶棗栗可以佐食柏桐可以資用卽榛楛雜木亦足以供炊爨其令有司督率指畫課令種植仍嚴禁非

時之斧斤牛羊之踐踏奸徒之盜竊亦爲民利不小至孽養牲畜如北方之羊南北之豕牧養如法乳字以時於生計不無裨益總之小民至愚經營衣食非不迫切而於目前自然之利反多忽畧所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕惓惓愛民之意實心奉行倘視爲具文苟且塗飾或反以擾民則尤其不可也

高宗純皇帝

三水縣志 卷之首 典謨

恤教職 乾隆元年

上諭教職乃師儒之官有督課士子之責素蒙

皇考世宗憲皇帝加恩優待屢次訓勉且與有司一體賞

給封典朕卽位以來念伊等官秩卑微恐以冗散自居不思殫心盡職特加品級以鼓勵之查舊例敕職兩官一俸未免不敷養廉着從乾隆元年春季爲始照各員品級給與全俸永著爲例欽此

今上皇帝

御製義利辨 嘉慶十四年



義利者何公私之別耳易曰乾始能以美利利天下不言所利大矣哉當取之利必合於義未嘗不可以語人公之謂也背義而取之利害必隨之故不可以語人私之謂也公即天理私即人欲存心天理必不妄取若徇人欲必至敗度所謂博施濟眾與天下之人同天下之利富有四海澤被八方豈損上益下哉實自益耳若橫征暴斂聚財積貨圖目前有限之歡娛貽身後無窮之大患豈損下益上哉乃自損耳君道如是臣節亦同事君以敬爲先爲政以廉爲本順理而行屏除物欲知足不

三水縣志

卷之首

典謨

九

辱知止不殆違義之利絲毫不染既非悖人之財斷無悖出之事誠全身遠害之大猷福延子孫名煥簡冊賢臣之所願也好貨財者自有肺腸逞其貪心縱欲徇利不顧不義罔恤國家親其所不親爲人所不爲卒至惡積日深禍由自作身被刑戮妻子流離無一倖免良可悲夫總由不辨義利不辨公私不明理欲不顧是非之所致也財散民聚重義而輕利也公天下之大道堯舜禹湯政之大端也財聚民散見利而忘義也徇一己之私欲桀紂叛獻失國之大畧也無遠慮必有近憂圖大利

御製崇儉詩

終憂大害君臣同應儆戒上下交相勸勉庶幾朝無佞臣郡少貪吏民鮮攘竊戶有蓋藏將見政簡刑清風淳俗美我君臣期共勉之繫以銘曰  
識見母小心志勿馳大智不惑大勇不移錙銖較量堪憫愚癡視財如寶惡因日滋水滿必決貨積禍隨日中則昃月滿則虧天道如是奚不慎思日宣三德衷凜四知非義不取至公無私寸心不放暗室不欺富藏天下俗臻皞熙百工彌亮成此銘

詞

三水縣志

卷之首

典謨

十

尚儉訓臣民美德萬善備守約固本心去奢漸驅志末俗愛繁華夤緣以財餌私欲漸薰蒸忘義即徇利悖入千萬盈悖出糞土棄眼底金帛光日後身家累天理所不容國法所必至嗟哉貪亂徒人形實鬼魅昏夜枉乞憐離明奚能避總由不儉成稔惡日月積正己典讓廉杼誠消詐僞尺度豈可踰潔已弭浮議勿貽後世憂勿作無益事艱思爲君難任大守神器渴願司牧賢弼子圖邦治天良慎毋欺常德保厥位




三水縣志卷之一

星野 附氣候

中星昉于尚書分星始于周禮左氏分星者十二辰經星也考明一統志廣州牛女分野邑之分野與府同有謂揚州為東南而牛女在天則北方之宿毋亦星紀在北而光射于南其以吳越當之者從星紀之所燭歟在天成象在地成形凡屬國家聲教暨訖之區即分星懸象照臨之區時若恒若庶徵如響勤民者宜先之以敬天也志星野

三水縣志 卷之一 星野



星紀

爾雅星紀斗牽牛也

春秋元命苞牽牛流為揚州分為越國

史記天官書牽牛婺女揚州

晉書天文志自南斗十二度至須女七度為星紀

于辰在丑吳越之分野屬揚州

杜佑通典宋史俱以牛女為越之分野

明一統志廣州牛女分野

府志廣州牛女分野邑屬廣州分野同

按保章氏以星土辨九州之地所封州域各有

三水縣志 卷之一 星野 二

分星以觀妖祥厥後星經散而不可考或以十

二州配或以列郡配或以山河兩界配或以七

星主九州或以七星主七國或繫以二十八宿

或繫以五星其說蓋莽如也即以粵東分野言

之諸家多屬之牛女而各郡或屬牛或屬牛女

或從翼軫或帶尾箕廣肇二郡兼屬斗牛女則

又以吳之斗引併于越之分矣其說各出然考

之古有祇以斗屬越者史紀斗越分元史吳越

皆斗又有直以斗牛屬越者淮南以斗牛屬越

女屬吳又明洪武永樂間五星兩聚斗牛而陳

麻章出則牛原不遺于越也據樊惑守斗之說而兼以斗牛女爲廣州分野以別于他郡亦可存之備參考焉

粵東自分野而外三台六星以下台屬荆揚樊惑星南方丙丁主吳越南極老人星秋分見于丙丁爲粵東之位天市垣二十二星第二星曰南海第六星曰吳越按此則斗牛女之外又有可紀者歟

附氣候

元史天文志南海出地一十五度夏至日景在表

三水縣志

卷之一

星野

三

南一尺一寸六分晝五十四刻夜四十六刻

通志歲占立春微雨兆有年諺云乾冬溼年禾黍滿

田凡朔日雨主一月多雨每月交二十五日雨主

次月有雨日隔月雨春霧晴秋霧雨冬霧不寒夏

霧不暑正月八日爲穀日晴爲祥雨爲災五月有

三卯占有年

韓愈詩窮冬或携扇盛暑或重裘

龔茂良詩晴雲欲午常揮扇曉霧生寒欲著綿自是

嶺南多氣候日中常有四時天

李西美攝生論嶺南瀕海地卑土薄陽燥之氣常洩

陰濕之氣常盛

蘇文忠集嶺南氣候不常菊花開時卽重陽涼天佳月卽中秋不須以日月爲斷也又云四時俱是夏一雨便成秋又云嶺南萬戶皆春色

通志廣東月令

春正月桃李花盛柔桑可採二麥黃老圃種薑剪韭

田功旣興

二月雷發聲虹蜺見魚苗生蜺降于霧木棉橘柚華

是月也農功畢作

三月溫風至梅子熟柝椰苞圻催耕鳴田蛙鼓吹

三水縣志

卷之一

星野

四

夏四月橘火明榕成蔭紫菱照水樹蘭綴珠白雨以

時至

五月朱荔熟椰含漿蟬大噪鉤割鳴年早禾登場

六月白雨足西潦至鷓母乘潮芭蕉垂荔枝早熟是

月也新穀旣登亟播晚種

秋七月秧針碧蒨田浮蝴蝶營繭是月也暑始酷燥

石流金

八月木芙蓉花梨栗熟芋可剝粘始獲河豚乘潮至

九月木犀瘴發紅諸登白攬落嘉魚出于峽大粘始

獲菊有黃華

冬十月嶺梅開八蠶功畢橘柚垂實潮田盡登是月也霜始下氣乃寒

十一月桃始華冬笋出楓漸丹鷓鴣蔽葉山花時茂畚田布種是月也農斂穀屯囷涸塘以漁

十二月水仙來賓梅乃大放風蘭賀春青陽漸暢草木萌動

三水縣志卷之一

輿地 輿圖 山川 古蹟 墟市 風俗 物產 附湖沙

自古體國經野畫土分疆由畝而夫由夫而屋由屋而井由井而邑邑之名于是乎始自祖龍吞併開阡陌析郡縣又其後或併或分似非古制然量地置邑度地居民猶是司空執度意也三水原割南海高要之半以成邑治控三江而跨五嶺兀然稱雄我

皇上撫御九有天下一家慎固封疆設官分職以資其保障子輿氏云地利不如人和宰斯邑者當加意

三水縣志 卷之一 輿地

以善其後乎志輿地


圖說

考周禮大司徒以天下土地之圖用知九州地域廣輸之數職方氏掌天下之圖以掌天下之地志之有圖古重之矣自漢而後志粵者書頗多而以圖聞者則張黜交廣圖一卷王中行廣州圖經二卷然其書已亡今郡縣乘圖實倣其遺意也肆邑北境之山自衡陽支分度嶺至韶英而來其西境之山亦自衡陽支分度桂嶺過昭梧而來北接清遠之水西接肇慶之水直抵東南而得崑都山



聳峙又有大路峽婆角以東水勢金洲一山為中流砥柱誠要區也若夫龍坡堯山穹窿秀拔直與西樵並峙氣象又增萬千矣東南地連省會衣冠之藪西北偏隅舊井疆遼廓今號稱殷庶矣榛莽無伏戎之患人民有安集之休蓋輯寧日以盛也綜覽形勢計縣總圖一縣坊圖一戎屬鄉圖一捕屬鄉圖三胥江司屬鄉圖一三水司屬鄉圖六官斯土者按圖知經尙其念諸

三水縣志 卷之一 輿地





三水縣志  
卷之一 地輿  
三





三水縣志  
卷之一 地輿  
四



docsriver 文川网  
入驻商家 古籍书城

在文川网搜索古籍书城 获取更多电子书





城內五甲

南甲 北甲 東甲 西甲 中甲 小中甲

小南甲 小西甲

縣前街有市肆日 縣後街 縣東街舊名蔡院街

縣西街俗名西便街 學前街巨縣 學後街巨縣 南門街

直達北門街街南為長 東門街歷學縣後 西門街

學東街即廟街 濠口官路在城南外右邊達于河旁

改從左邊蘇山川壇東以收堂水云

井泉

清泉縣署大 龍鳳井儒學門左 學前井夾學前塘

三水縣志 卷之一 地輿 七

南門井 東門井 西門井 長安里井

按風憲分司前舊有義井今湮

附郭鄉村

新村東門外 大塆山鄉城東里許塆西 魁岡鄉城東

里許東 白塆西村城西三里許在河清灘 濠口鄉

縣治八景

鳳岡梧乳 雁塆瑤蓂 浮石春濤 滄江夕照

三溪印月 七曜連雲 崑山聳翠 橫嶺層霞

戎屬在縣治之東去城八里許則為西南等鄉其

接魁岡界者曰鹿嗣其東為西南街舊有巡檢司

今奉 街舊有二營曰上營曰月桂營西南之南江

中有洲曰老沙即動星洲 南對江曰陳涌曰栢木塆曰

沙木曰蔡坑曰高平曰南岸曰寨頭從老沙而東

曰沙頭曰走馬寨曰董寨在西南街後者曰岡根

曰後岡曰橋頭曰埔心曰西坑埔曰逕口曰白沙

曰基塘曰葛坑曰望岡曰黃竹坑自西南而東下

曰張邊曰高豐高豐之北曰驛岡驛岡之東曰橫

涌曰李沙曰下岡曰魯村其地南瀕大江西南市

鎮商貨輳集諸鄉若布岡原環繞田若旱潦東南

接南海界

三水縣志 卷之一 地輿 八

東接三江界

